



## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærerentem paternè ...**

**Eisvogel, Veremund**

**Augustae Vindelic., 1727**

21. S. Ursula, & sociæ ejus

[urn:nbn:de:hbz:466:1-52716](#)

tur terrarum orbe: Ut & peccatores recedant à viis suis pessimis; Boni vero & justi magis & magis proficiant in spiritu, sanctitate, & justitia, sacrum & rosarium hodiernum in hunc finem applicemus. Ah! cur non ardeat pro Deo cor nostrum, quando cœlum, & terra veniunt in nostrum obsequium? Fili mi! nil magnum, nil altum, nil gratum, vel acceptum sit nobis nisi purè Deus, aut de Deo sit, Gersen.

### Festum SS. Ursulæ, & Inclytæ Societatis Ejus.

#### EXHORTATIUNCULA I.

**O** Prudentes Virgines! Aptarunt lampades! Ierunt, mortuæ sunt, sed castæ, sed innocentes. Hic mos sponsarum Christi! Malunt perdere omnia, modò animas salvent. O fili! Quid prodest homini, mundum si universum lucretur; animæ vero suæ detrimentum patiatur? Totus mundus nos possidet, & nos non possidemus nos ipsos. Quidquid sit, vel fiat de mundo, de corpore &c. Nos sapere oportet, &

non

non negligere nos ipsos. *Qui enim sibi nequam, cui bonus? est sapiens animæ sue sapiens.* Eccl. 27. Hoc unum est necessarium, hoc negotium negotiorum: Propriæ salutis cura.

*Instructio meritoria.*

Ubi lampades nostræ? Ecce! Spensus venit. Occurramus adventanti per Sacramentalem confessionem, & Communionem hoc Festō singulis annis repetendam. Compensabit devotionem, & hunc sui amorem in lectulo mortis S. Ursula. O beata mors, quam dulcorant undecim Virginum millia. Aderunt, si in cultu earum nobis non deerit constantia.

II.

**Q**uid hoc? Dilectissime! Ecce! advolant barbari, sagittæ parantur & arcus, interitum minatur undique tyrannica mors. Non cedit cum societate immota Virgo, B. Ursula, stat, & mille mortes optat, quam foedari. Quantus amor! O Chare! nobis vix non omnia eveniunt difficillima, cum quæ pro Christo agenda, aut sustinenda.

Quanta

Quanta ignavia ! O fili ! Non sufficit, diligere Deum, sed verè, fervidè, & ardenter, constanterque diligere expedit. Cessare ante tempus, desidiæ est maxima. Hinc D. Paulus : *Sic currite, ut comprehendatis.*

*Instructio meritoria.*

Amazones tam generosæ expectantur plures in Ecclesia. Sunt, quia in Monasteriis enutriuntur plurimæ. Ut suâ puritate, & innocentia deleant, & leniant vulnera in Corde Jesu, quæ infligunt impura pectora, visitabimus hodie altare aliquod Beatæ Ursulæ sacrum, vel alias nobis pro nostra in hac Virginem devotione liberè in templo electum, ibique orabimus S. Rosarium gaudiosum pro perseverantia omnium in statu Virginali viventium. *Divinorum omnium divinissimum est, cooperari in salutem animarum.* S. Diony-  
sius.

III.

**F**Leibilem casum ! Una ex numero tot Virginum cecidit animo, & metu mortis delituit. Sic nihil perfectum in

in hoc mundo. Necesse tamen est, ut  
veniant scandala, & peccata, ut in bono  
exin solidentur magis sanctorum corda.  
Fili! si credamus nos stare, timeamus,  
ne cadamus; Patimur quotidie, unde  
nostræ nos pudeat inconstantia, & im-  
becillitatis innatæ. Hanc auget impru-  
dens timor. Sed rejiciamus cordatissi-  
mi pro Deo. Plus vexamur timoribûs,  
quam malis, plus opinione, quam re.  
Mala semel nos premunt, timor assiduè,  
Meticulosus multa credit, parùm audet,  
agit nihil. O vile hominum meticulo-  
rum genus!

*Instructio meritoria.*

Sed quid nobis agendum, dum hu-  
manâ seducti infirmitate labimur? Citò  
in genua provoluti, & Crucifixum Je-  
sus arripientes manibûs, ingemiscen-  
dô, & pectus dolorosè tundendô, post  
amorosa oscula dicamus: *Miserere mei  
Deus, cum quinque Pater & Ave in ho-  
norem SS. Vulnerum.* Additâ S. Aug.  
clausulâ: *Domine Jesu! Deus & pars  
Cordis mei! Per illa SS. Vulnera, quæ  
amor mei tibi inflxit in Cruce, quæso,*  
*tuo*

1594 XXVIII. Octobris. S. Simonis & Judæ Ap.  
tuo famulo subveni, quem pretioso san-  
guine redemisti. Si fieri potest, eâdem  
die, vel sequenti humiliter confiteamur,  
quia peccavimus. Sic cecidisse non no-  
cet.

## Festum Sanctorum Apostolo- rum Simonis, & Judæ.

### EXHORTATIUNCULA I.

**H**I Apostoli ò quales non tulêre in-  
jurias, & persecutioñes à mundo!  
Sed non mirum. Christi erant disci-  
puli, quorum vita una continuata perse-  
cutio. Dubito, mi bone fili! An &  
nos de eorum simus numero? Quia,  
quòd nos odiat mundus, corde tam in-  
firmo, ac debili portamus. Ubi est fi-  
des nostra? Ubi & spes solida? Stemus  
firmiter, & perseveranter! Simus lon-  
ganimes, & viri fortes, & veniet nobis  
consolatio in tempore. Gersen.

### Instructio meritoria.

Tempore afflictionis, vel persecutio-  
nis sese subtrahere publico, & agere  
cum solo Deo, non modò consultum,  
sed & sanctum est. In solitudine, & re-  
colle-